

Script of Morning Gojri News Bulletin 30 July 2024 at 1015Hrs

ما رنینگ گو جری نیو ز بلیٹن مو رخہ 30 جولائی 2024

یوہ آکا شوانی جموں بے محمد اکرم چودھری تیں خبر سُنو۔

PM Budget Conference

وزیر اعظم نریندر مو دی اج نویں دہلی مانہہ مرکزی بجٹ 25/2024 تیں بعد آلی کا نفرنس مانہہ وکست بھارت آلے پا سے سفر ور افتتاحی اجلاس نال خطاب کریں گا۔ اس کا نفرنس غو انعقاد کنفیڈریشن آف انڈین انڈسٹری یعنی سی آئی آئی غی طرفوں کیو گیو ہے۔ تے اس کا نفرنس غو مقصد ترقی واسطے سرکار غا بڑا نظریہ اور اس کو شش مانہہ صنعت غا کردار با رے خاکو پیش کرنو ہے۔ اس کا نفرنس مانہہ اک ہزار توں زیادہ شراکت دار، صنعت، سرکار، سفارت متعلق برادری تے لوکاں سمیت دوجا کئیں لوگ برائے راست شرکت کریں گا تے اس توں بیرون علا وہ اور بہت سارا لوک مُلک تے بیرون مُلک تیں بکھ بکھ سی آئی آئی مرکزوں ور ورچول طور جڑیں گا۔

Quad Terrorism

کوآڈ خارجی وزراء نے دہشت گرداں نانہہ نویں تکنیک کا استعمال تیں خبردار کرتاں واں اقوام متحدہ مانہہ درج دہشت گرد تنظیمیں غے خلاف بین القوامی کا روائی غو مطالبو کیو ہے۔ جن مانہہ لشکرِ طیہ، جیش محمد، القاعدہ، تے اسلامک سٹیٹ دہشت گرد تنظیم شامل ہیں۔ گذشتہ روز ٹوکیو مانہہ میٹنگ توں بعد اک سانجھا بیان مانہہ کو آڈ وزراء نے کہیو ہے جے وے بین القوامی تے علاقائی شراکت داراں نال کم کرن واسطے وعدہ بند ہیں۔ تا کہ دہشت گردانہ منصوباں واسطے نویں تے برآمد تحقیق غا استعمال ور کا روائی عمل مانہہ آئی جا سکے۔ اس دوران خارجی امور غا وزیر ایس جے شنکر، یو ایس سیکریٹری اینٹنی بلینکن، اسٹریلیا غا خارجی وزیر پینی وونگ تے جاپان غا خارجی وزیر یوکو کا می کاوا نے تمام درج شدہ دہشت گرد تنظیمیں غے خلاف ٹھوس کا روائی غا مطالبہ نانہہ دُبرایو ہے۔

VDC Weapon

داخلی امور با رے مرکزی وزارت نے کچھ دیہی دفاعی گروپ یعنی وی ڈی سی ممبران غی 3 سو 3 بندوکاں غا تبادلہ واسطے منظوری دے دتی ہے۔ اور کہیو ہے جے ان بندوکاں نانہ سیمی آٹو میٹک بندوکاں مانہ تبدیل کیو جائے گو۔ تے نال ہی حساس علاقان مانہ خاص طور رور نوجوانان غی وی ڈی سی مانہ بھرتی کی جائے۔ تا کہ دہشت گردی غے خلاف موثر طریقہ نال نمڑیو جاسکے۔ اس با رے فیصلو اُس رپورٹ غے مد نظر باندے آیو ہے۔ جس مانہ کہیو گیو ہے جے وی ڈی سی ممبران کول اجوں وی 303 ہتھیار ہیں جس نال دہشت گردان نال مقابلو ممکن نہیں کیونجے دہشت گردان امریکی ایم 4 کا ربنز تے رفل موجود ہیں۔ حفاظتی فوج وی جنگلاں توں علاوہ حساس علاقان مانہ اپنا کیمپ لان جا رہی ہے۔ تا کہ دہشت گردان غی نقل و حرکت ور نظر رکھی جاسکے۔

Lok Sabha Startups

مُلک غے اندر سٹارٹ اپس غی تعداد 1 لکھ 40 ہزار تک پُج گئی ہے۔ لوک سبھا مانہ گذشتہ روز پُچھیا گیا اک سوال غا جواب مانہ بُنر ترقیات تے کار جوئی با رے وزیر جینت چودھری نے کہیو جے تسلیم شدہ سٹارٹ اپس نے مُلک مانہ برائے راست 15 لکھ توں زیا دہ روزگار پیدا کیا ہیں۔ اُنہاں نے کہیو جے سرکار نے 2 ہزار 16 مانہ بھارت غے اندر سٹارٹ اپس شروعات غو افتتاح کیو تھو تاکہ جدت نانہ فروغ دین تے سرمایہ کاری غی حوصلہ افزائی واسطے اک مضبوط ماحولیاتی نظام غی تعمیر کی جاسکے۔

Rajya Sabha Loans

سرکار نے گذشتہ روز دسیو ہے جے کُل 11 ہزار 7 سو 13 کروڑ روپیاں غا قرضہ پی ایم سواندھی غے تحت بُن توڑی رہیڑی پھڑی آلاں مانہ تقسیم کیا گیا ہیں۔ اپنا اک لکھت جواب مانہ کہہ کوٹھاں تے شہری ترقیات غا وزیر مملکت توکن سابو نے کہیو ہے جے کُل 86 عشاریہ 38 لکھ قرض دتا گیا ہیں جن وچوں 31 عشاریہ 73 لکھ قرضہ غی دوبارہ آدائیگی کر دتی گئی ہے۔ اُنہاں نے کہیو ہے جے یوہ قرض رہیڑی پھڑی آلاں نے اپنو کاروبار بدھان واسطے استعمال مانہ آئیو تھو۔

Amarnath Yatra

اک ہزار 4 سو 77 یا تریاں ور مشتمل اک جتھو اج بھگوتی نگر بنیا دی کیمپ تون وادی کشمیر واسطے روانہ ہوؤ ہے۔ یہ یا تری بابا برفانی غا درشن واسطے 52 گڈیاں مانہ اتون اج سویرے روانہ ہوا ہیں۔ ان یاتریاں مانہ 11 سو 42 مرد، 2 سو 54 کالسری، 3 بچہ، 66 سادھو، تے 12 سادھوی شامل ہیں۔ ان یا تریاں وچوں 377 یا تری بالتال بنیا دی کیمپ واسطے روانہ ہوا ہیں تے 11 سو یا تری سویری 3 بج غے 25 منٹ ور پہلگام واسطے روانہ ہوا ہیں جتوں وے بابا برفانی غی گُفہ ور اپنی حاضری خاطر اگلو سفر شروع کریں گا۔ اس سال امرناتھ گُفہ ور اپنی حاضری دین آلا یا تریاں غی تعداد 4 لکھ 65 ہزار تون پا ر ہو گئی ہے۔ 52 دناں توڑی چلن آلی یاہ یاترہ 19 اگست نانہ اختتام پزیر ہو جا ئے گی۔

اس غے نال ہی خبراں غو یوہ بلیٹن ختم ہوؤ۔